

De Probatis|| Sanctorvm|| Historiis

Partim|| Ex Tomis Aloysii Lipoma-||ni, Doctissimi Episcopi, Partim Etiam||
Ex Egregiis Manvscriptis Codicibvs, Qvarvm permultæ antehàc nunquàm
in lucem prodiêre

Complectens Sanctos Mensivm || Martii Et Aprilis

Surius, Laurentius

Coloniae Agrippinae, 1576-

VD16 S 10259

De S. martyre Longino Centurione.

[urn:nbn:de:hbz:466:1-77384](https://nbn-resolving.de/urn:nbn:de:hbz:466:1-77384)

nibus ipsius Methodij compositum est, iij. Idus Martij. quo quidem die in exilium etiam ciectus fuerat, vt vtraque re sit memorabilis.

Nos autem ò patrum sanctissime, ò sacrorum preconum decus, qui digni facti sumus, vt te & terrestrem haberemus ciuem, & caelestem apud Deum intercessorem, ad arcam tuam cum desiderio accedimus, eamque cum omni veneratione complectentes, has tibi voces effundimus: O sublimum & arcanorum mysteriorum inspecto & contemplato: ò diuini aspectus atque splendoris gloria abunde propter mentis puritatem illustrate. ò patriarcharum atque pontificum societatis particeps, qui & nomine & res simul cum illis victoriae præconia & præmia, ærumnis & periculis superatis, percepisti: si scipe benignè sinceri cordis erga te fidem & affectionem, vicissimq; tuas pro nobis ad Deum puras castaque preces exhibe: vt Ecclesia sancta in tranquillitate versetur, & fides integra custodiatur. In perpetuum nobis Deum propitium redde, & nos, qui iucundissima tua monumenta, qui pulcherrima ad salutem instituta varijs in libris à te relieta perlegimus, in recta dogmatum doctrina firmos immobilesq; conserua, & in omni temporum varietate constantes, vt omnem reliquam vitam exemplo tuo sancte transfigamus, vt Deo chari simus, & que iustis promissa sunt, bona consequamur: Illius misericordia ac munere, qui propter nos homo fieri, & carne induitus perspicere non est digneatus, Christus Deus noster, qui colendus & adorandus est cum patre, qui est ante principium, & diuino spiritu, qui est eiusdem cum illis essentia, authorque vita in secula seculorum, Amen.

MARTYRIVM SANCTI ET GLORIOSI MARTYRIS LONGINI CENTVRIONIS. SIMEONE

Metaphrase authore.

15. Martij.



Mat. 27.

Longini
constatia.

Pilatus &
Iudei ei in-
fensi.

Deserit mi-
litiam.

V M Deo verbo propter eam, quæ ex inobedientia nobis fuit importata, à bonis prolationem, visum esset fieri sicut nos, & voluntaria cruce & morte propter nos fuisset condemnatus propter suam in nos misericordiam: & chorus quidem discipulorum, timore amicitia Christi esset oblitus: qui autem in eum cædem spirabat Iudæi, eum iam morte damnassent, unus erat etiam Longinus è Synagoga Iudæorum, & constitutus fuerat Centurio cuiusdam numeri militum. Cùm autem executioni esset mandata scelerata sententia, & ipse Christus in ligno esset affixus, medicas sumptum ex ligno gustum, admirandus hic Longinus habebat crucis custodiam sibi commissam cum suis militibus. Signis autem & prodigijs, quæ circa crucem facta sunt, ad veritatem deducuntur, omni excusso metu, liberè Christi ipsum & Deum confessus est in medio synagoga Iudæorum, Verè, dicens filius Dei est hic.

Postquam sepultura mandatum fuit vivificum Christi corpus, vt nos à peccati secularis euocaret, & ad antiquam reuocaret beatitudinem, Longino rursus iussit Pilatus, vita sepulcrum tueri custodia militari. Et ille quidem fecit id, quod erat imperatum, eti non esset eiusdem de Christo cum Pilato sententia, vt iam didicimus. Cùm autem peractum esset magnum mysterium resurrectionis, & milites miracula, quæ erant maiora, quam vt ea caperet humana cogitatio, principibus sacerdotum, & presbyteris Iudaici coetus annunciassem, hoc illi ignominiam & dedecus sibi afferre existimantes, & miraculum volentes extinguere, pecunijs persuaserunt militibus, vt calumniarentur Christi resurrectionem. Illi igitur ad Pilatum accedentes, falsam dixerunt esse resurrectionem. Verum non sic Longinus: sed mendacij quidem fuit præclarus confutator, verax autem testis veritatis, vt qui non sustinuerit calumniari Christum, tanquam sursum: sed lingua & mente libera eum verum esse Deum predicârit, & è mortuis esse extitum affirmauerit. Quo factum est, vt & ipse Pilatus & Iudæorum synagoge principes, inuidiam qua prius mouebantur in Christum, & quem in eum animo concipiebant furorem, eum nunc in Longinum transferant, ei adeò irascentes, vt quicquid pateretur Longinus, existimarent eum non satius daturum esse poenarum. Hinc ea res venit ad aures Longini, & eorum ira fuit ei significata. Quapropter magis volens abiici cum Christo, quam habitare in tabernaculis Iudæorum, cum veste & cingulo dignitatis, ipsam quoque simul quamprimum exuit militiam. Et acceptis duabus militibus, qui habebant

bant eundem zelum pro Christo & veritate, declinat cum populo congressionem, & cum Deo solo & secum versatur.

Nec multum intercessit tēporis, & relictis Hierosolymis, venit in Cappadociam, prē-
co simul & apostolus Christi admirabilium operū, & quæ sūnt præter opinionem cum padociam.
It in Cap
illis duobus militibus effectus. Cūm autem eorum nihil latérer Iudeos, vt potè quòd fa-
ma ad om̄nes Longinum transmittaret, & perindè ac alata permiciter omnem percur-
reret regionem, ij simul conuenientes persuaderunt Pilato, vt de Longino maledicat, &
significet Cæsari, quòd aliena sentiret ab Imperio Romanorum, & quòd negleḡtis ar-
mis, Christum prædicet quandam regem gentibus: & sic omnes in suam redigens potē-
statem, attrahat ad illius fidem. Eorum autem, aiebant, quæ dictintur, signum est, quòd
vniuersam Cappadociam ea impleuit doctrina. Cūm his literis simul etiam emittunt
pecunias, in aures Cæsaris volentes irreperere, vt Longini mortem facile emerent. Quod
quidem proceſſit etiam, vt videbatur, Iudeis. Et Roma statim in Iudeam ad Pilatum mit-
tuntur literæ, quæ Longinum morte damnabāt. Pilatus ergò acceptis literis, eas statim
tradit Iudeis, & ad beati viri cædem alacris alacres emittit. Illi autem cūm totam, quæ
intercedebat, regionem maxima peruaſſissent celeritate, veniūt in Cappadocum regio-
nem: & cūm audijſſent Longinum in quodam agro paterno agere vitam ab omni ne-
gocio remota, statim veniunt in agrum, & cū Longino sermones conferunt, nescientes
eū esse, propter quem tam magnos labores suscepſſent, & iter confecſſent. Vnde etiam
illum ipsum rogabant, quinam esset Longinus, & in quonam prædio habitaret. Longi-
num enim studebant clām aggredi, timentes nē salutem ſibi fuga quæreret. Ignorabant
autem eum magis ſtudere vt caperetur, quā illi, vt caperent. Imitabatur enim mortem
illius voluntariam, quem cūm vidiffet in cruce, Deum fuit confessus: & quomodo Chri-
ſtus propter nos, itā Longinus propter Christum cædem ſitiebat.

Cūm ergò ſpiritus sanctus illa hora ei omnia significasset, ſenſim ad iſpos conuerſus,
miti & leni voce dicit: Sequimini, & ipſe eum, quem quæritis, oſtendam. Tunc ergò ve-
luti apud ſe lētans ille beatus & futuri gaudium præcipiens, & ante martyrium mortem
martyrī amplectens, hæc ſecum dicebat: Quām ſpeciosi pedes euangelizantium bona. Eſa. 52.
Nunc videbo cælos apertos. Nunc ad ſpiciam gloriā patris. Nunc, ſicut primus martyr
Stephanus, ipſe quoq; dicam: Domine Iefu Christe, accipe ſpiritum meum: quiem cla-
riſſima voce audiui mortem ad ſe vocantem. Nunc ſupernam Hierusalem, angelorum Aſt. 7.
quidem patriam, totius autem chori ſanctorum metropolim, cum vīctoriæ plauſibus,
& canticis, & glorioſis trophæis, aſſendā. Nunc exuo èluto confeſſam tunicam, & la-
mentabilia depono carnis vincula. Nunc liberor ab interitu & corruptione, & lētus in-
duo incorruptionem. Egređior è vita caduca & momentanea, & ex tempeſtate, cuius
ſunt magni fluctus & grauia naufragia, & venio ad verum & ſolum portum, in quo vi-
ta eſt ab omni tristitia remota & aeterna. Lētare anima, quæ vadis ad tuum effectorem.
Oſtende lētam, tempore id poſtulantere, faciem. Eos, qui tibi tot bona conciliant, o Longi-
ne, benignè excipe. Eos qui nos ad cœnam vocant regalem, lauto & magnifico acci-
piamus conuiuio.

Hæc cūm apud ſe locutus eſſet Longinus, eos, qui ad iſpum venerant, ſtatim ducit in Percuſſo-
domum ſuum, & cūm hospitio præclarè accepifſet, incipit deinde rogarē poſt cœnam reſ ſuos vō-
cur veniſſent, & quenam eſſet tanta Longini inquisitio. Illi autem, cum ſacramentum, cat ad con-
tanquām aliquod pignus, ab eo accepifſent, non eſſe publicaturum, quæ ei dicerent, ne-
que ſecretum eſſe aperturum, dicunt quā Pilato ſcripta fuerāt à Cæſare, & quòd veniſſent, vt Longini cum duobus militibus capita amputarēt. Cūm autem ſciuifſet, quinam
eſſent cum iſpo morituri, illi ſcilicet qui Iudaica mercedi Christum prepoſuerāt, ſigni-
ficauit eis, qui non diū antē ab eo diſcererant, vt primorum bonorum eſſent ſibi ſocij.
Cumq; ſemel atq; iterum eos, qui miſſi fuerant à Pilato, hospitio magnificè accepifſet,
poſtridiē eos ducens in agrum, expeſtabat eos, quos accerſuerat. Cūm autem accepif-
ſet eos iam appropinquare, ſtatim annunciat ijs, qui miſſi fuerant à Pilato: Ego ſum, qui
à vobis quæror, Longinus. Illi autem primū quidem nō credebant. Quomodo enim
existimāſſent eum eſſe, qui erat paſſurus, cūm eum viderent tam lētum ad periculum? Prodiſ ſe-
Postquām autem rectē ſciuerunt illum eſſe, & nulla eis fuit relīcta dubitatio, ægrè fer-
bant, & à conſientia multas plagas accipiebant, quid non quidem dicentes, quid non
autem facientes, cūm eſſet adhuc recens recordatio, vt qui pro bonis eſſent malas red-
dituri gratias? O infelicem, dicebant, cœnā. O graue hospitium, Curnam, o chare Lon-
gine, hoc tibi coeptrum venit in mentem, vt eos, qui venerant ad tuū cædem, domus tua

Milites re.
formidat
cedere ho-
spitē suū.

acciperet? O miserum habitaculum, ô acerbū cōuiuum. Morstibi euadit hospitium, & teipsum mensæ appones, eos præter opinionem inueniens latrones, qui hospitio à te fu- erunt accepti. Quid faciens, sic molestia affecisti eos, qui te sunt occisuri? Abi ergo, acce-pta mercede hospiti, nempe mortis remissione. Non sustinemus ensem tibi inferre: ex- dem molientem manum tuo capiti afferre formidamus: communem salem reuere- mur: nos pudore afficit mensa: ad cædem torpet manus: abhorret animus morte affice- re benefactorem. Facilius est periculum, quod nobis est Pilato paratum, quām vulnera conuentia. Parati sumus omnia pati potius, quām Longino tales referre gratias.

Sic quidem milites dicebant Christi martyri valdè miserabiliter. Ceterum non po- terant Longino persuadere: sed eis fortiter respondet vir verè generosus: Cur magna mihi bona inuidetis, quibus vos inuiti me estis remuneratur? Cur meam mortem defle- tis tam miserabiliter? Cur tristes estis propter meam perpessionem? Non est hoc mihi mors, sed vita primitia. Mihi reuera potius est mors, qua hīc est conuersatio, quoniam non assisto meo Domino, nec fruor ea, qua est illuc, beatitudine. Finis finem malorum, non eriam finem vita mihi conciliabit: sed ad veram transmittet beatitudinem, & effi- ciet, vt sim particeps illius æterni splendoris. Habetis, ô amici, habetis apud vos solatiū, propè est vobis consolatio. Quem enim propter finem lugetis, eum vos post finem bea- tum reputabitis. Sufficit autem hoc ad afferendam animi tranquillitatem, scire ami- cum fore multorum bonorum participem: quomodo est inuidorum, vel odio potius habentium hominum, studere eum priuare splendore. Nolite deflere eum, qui deficit: sed gratias agite ei, qui accipit. Non mihi illius gloriæ detrimentum afferatis, quam e- go vidi elementa mouentem. Non negauerim eum, quem Dei sémel filium sum con- fessus. Timeo nè creatam naturam inueniam accusatricem, si in eum appaream infide- lis, propter cuius passionem cælum quoquè ipsum est affectum tristitia, & sol contraxit radios, & lux diei miserabiliter deducta fuit ad noctem.

Hæc adhuc dicente Longino, & eis, qui missi fuerunt à Pilato persuadente, vt faceret quodeis fuerat imperatum, veniunt milites, qui cum eo morte damnati fuerant. Ille au- tem lato & alaci vultu eos intuens, & dexteram eis inicit, & collum amplectitur, & o- culos sua uiter deosculatur, & Saluete, inquit, ô Christi commilitones, & hæredes regni, saluete. Iam enim aperta est porta, qua eft in cælis, & angeli sunt nostras accepturi ani- mas, & oblaturi filio vnigenito. Ecce, & lampades video, & apparent mihi brauia, cum quibus sistendi sumus ad ludicris tribunal. Sed enim si quid vobis est imperatum, dicebat eis, qui missi fuerant, id implete. Deinde etiam conuersus ad domus curatorem, iubet ve- stem mundam ad se deferri, vt qui iam esset vocatus ad nuptias & thalamum, & eò fe- stinaret. Forrò autem cùm induisset vestem, & manu ostendisset tumulum, in quo vole- bat poni corpus, in genua cum ijs duobus, qui erant cum ipso, inclinatus, (ô beatum fi- nem) peregit certamen: & amputatis eorum capitibus, illi ascribuntur in choros mar- tyrum & Apostolorum, illorum quidem fortitudinem, horum verò zelum pro Chri- sto ostendentes.

Pilati cru-
delitas in
caput eius.

Capite ple-
titur cu
illis.

Longinus
confirmat
duos mili-
tes.

Quid verò post hæc est consecutū: Martyricum illius Longini caput cùm statim ac- cepissentij, qui eum interfecerant, ad fidē plenè faciendam, quod Longinus esset mor- tuus, id portant ad Pilatum, vt qui scirent se nullo alio dono, quām eo magis illi gratifi- caturos. Ipse autem statim conuocauit Iudeos, magna secum voluptate afficiendos, vt qui Longini valdè mortem sitirent, & eā emissent pecunijs. Quod quidem cùm factum fuisset, vt eis placebat, iubet rursus indigna Pilatus: & ante portam ciuitatis per ignomi- niatum fuit proiectum preciosum eius caput. Sed is, cui visum fuerat pati pro nobis, eius, qui propter ipsum fuerat passus, nè nunc quidem est oblitus: sed veluti perpetuò appa- rentem quandam faciem ijs, qui aderant, cernendam præbebat ante ciuitatem, & in ster- quilio iacentem, tanquam in domo regia conseruatam, tutò protegebat, non solum non permittens, vt aliquid patetur a filio: sed etiam liberans alios, nè aliquid propter id pateretur. Quedam enim mulier vidua, quæ morte maritum amiserat, cum filio ait unico conficitabatur, & præter viduitatē sustinuerat etiā oculorum orbitatē, malo fide superato, cum filio vadit Hierusalem, sanctorū, quæ ibi erant, locorum contactu & adora- ratione, quos amiserat corporis duces, sperans se recuperaturam. Cùm autem a filio de- ducta terram caperet & puluerem, & imponebat oculis, adjicitur viduitati & oculorum orbitati (Qualia sunt Dei iudicia) alia quoquè grauis calamitas. Morbus enim quidam inuadens puerum, qui pro amissis oculis fuerat ei alias oculus, repente (proh dolor) ab- ripit a sinu matris.

Statim

Statim ergo duplices ad eum accedunt tenebrae, & vita lux simul extinguitur cum ^{Viduæ in-}
Juice oculorum: eratque omnino infelix illa immobilis, tanquam aliquo fulmine, per-^{gens cala-}
culsa calamitate. Cum autem paulopost à malo ad se redijset, deflebat miserabiliter, &^{mitas.}
miserandas voces emittebat ad Dominum: ô Domine, dicens, cur sic grauata est manus
tua super me, & supra dolorem vulnerum meorum addidisti? Et nunc lumen oculorum
meorum & ipsum non est mecum. Num vires lapidum vires meæ? Ipsa quoque dicas, ^{Iob. 6.}

quod Iob: Posuisti me parabolam Domine, & motum capitis in omnibus: & pudore
affecti sunt super me, qui sustinent te Domine virtutum. Num sola sic peccavi ego? &
sola sic punior, quod me luce & vniogenito filio, qui erat instar lucis, priuasti? Quenam
mihi est deinceps spes salutis? Quenam mihi via consolatiōis? Hei mihi, charissime, quā-
dō mihi malum consolaberis? Quando oculorum leuabis calamitatem, me deducens
ad salutem? Nesciuisti, ô fili, quod maiori omni alio, tuo casu mihi damnum afferres ma-
ximum? Abis planta mihi iircundissima, me misera sola relieta? Sed sic quidem mater,
& mater vniogeniti, qui sic fulciebat eam, quæ se habebat tam miserabiliter.

Interim autem dum fuisset in somnum resoluta, diuinitus ei apparet Longinus, & om-
nia dicit, quæ ad ipsum pertinebant, quæ in cruce Salvatoris nostri facta fuit, confessio-
nem, mortem qua à Cæsare & Pilato fuit condemnatus, capitis amputationem, & alia,
qua martyrum propter Christum sustinuit magnificè. Quin etiam dicit ei: Oportet te ob-
seruare meum caput multo simo rectum, ad tuorum oculorum curationē. Nam si illud ^{Longinus}
attigeris, lux statim te sequetur. Porro autem ego quoquè tibi adducam puerum cū glo ^{ei reuelat}
ria, qui, quem propter eum accipis, dolorem consoletur. His verbis mulier animo re-
creata, & corpore satis corroborata, properabat ad opus. Cum autem deduxta iam per-
uenisset ad locum, in quo sciebat caput esse repositum, prompto & alacri animo fodie-
bat manibus. Et cum veluti quandam thesaurum caput inuenisset, simul cum eius in-
ventione, suam quoquè lucem inuenit: & adipicit solem, aut etiam ipsum caput cernit ^{Repurga-}
tanquam lucidam stellam, apparuisse. Deinde id ardenter complexa, cùm à stercore ex-^{tūa simo,}
purgasset, & vnguentis vxii set honorifice, reuertitur ad eum, qui illam hospitio <sup>ex-
honorifice
vnguitur
vnguentis</sup>
ceperat, preciosam illam afferens margaritam.

Sequenti autem nocte diuinus rursus accedit Longinus, lato vultu subridentem, & caput.
quasi sponsalibus vestimentis nitentem filium suum inducens, suauiterque & paternè
eum amplectens, & dicit ei: Eccè quem lugebas, filium, ô mulier, quæ lugebas: eccè quā
tus sit nunc cius honor & gloria, & teipsum consolare. Deus enim ipsum retulit in nu-
merum militiæ sui regni: egoq; nunc cum habeo acceptum à Salvatore, nec à mea vn-
quam recedet dextera. Accipe ergo meum caput & corpus tui filij, & sepeli in eadem ar-
ca, & nè amplius lugeas filium tuum vniogenitum, neque te verberet cor tuum. Nā ma-
gna gloria & lætitia, & magnis laudibus celebrandæ choreæ, & festa celeberrima ei da-
ta sunt à Deo, qui eum accepit. Hæc cùm audiisset mater filij, statim surgit, & acceptum
martyris caput, reddit patriæ martyris (Pago autem nomen est Sädiale) & cùm corpus ^{Rom. 8.}
filij capiti martyris lubenter apposuisset, & in loco insigni honestè composuisset, hæc
apud se dicebat: Nunc scio, quod ijs, qui Deum diligunt, omnia ad bonum conferunt.
Quærebæ oculos carnis, ego autem accepi etiam oculos spiritus. Me afficiebat tristitia
iactura filij, sed eccè eum habeo hæredem, Deo cum gloria regia assistetem, & nunc no-
stru & interdu mihi matri blandè arrideret, conglorificatus honoribus prophetarum &
martyrum, & cum eis exultans, & cum Longino crucem ferens, & regni celorum
præclarum ferens trophyum inter angelos: adeò vt Longini factus discipu- ^{Psal. 144.}
lus, ipse quoquè sacram emittat vocem, hymnicamque & mysticam, & ^{Dan. 7.}
epinicij instar habentem: Verè Dei filius erat iste, & est, & erit. Re-

gnum eius, regnum omnium seculorum, & eius dominatio
permanebit in æternum. Ei gloria & potentia in
secula seculorum, Amen.